

# Dukunde gusoma

Inkuru ya 13 na 14



Icapwa rya kabiri

# IJAMBO RY'IBANZE

Barimu, babyeyi,

Aka gatabo karimo udukuru tugufi abanyeshuri bisomera. Utwo dukuru twanditswe kugira ngo dufashe abanyeshuri kwisomera ubwabo hakiri kare no gushyira mu bikorwa ibyo bize mu ishuri. Utu dutabo tuzafasha cyane abanyeshuri biga mu mwaka wa mbere w'amashuri abanza.

Utwo dukuru twanditswe bwa mbere na REB, turi mu dutabo 12. Buri gatabo karimo udukuru tubiri tujyanye n'inyuguti zizwe. Buri gakuru kajyanye n'inyuguti cyangwa igihekane gishya kizwe. Iyo umwarimu yigishije inyuguti nshya, abanyeshuri baba bakeneye gusoma amagambo menshi arimo iyo nyuguti.

Abanyeshuri ntibagomba gutegereza gusoma utu dutabo ari uko bize inyuguti cyangwa ibihekane byose kubera ko inkuru zanditsemo zirimo inyuguti bize gusa. Ni yo mpamvu, iyo abanyeshuri bamaze kwiga urugero inyuguti ya R, bashobora gutangira gusoma amagambo yoroshye nka 'ururo' cyangwa 'ararira'. Agatabo ka mbere karimo amagambo nk'ayo gusa ku buryo bifasha abana gutangira gusoma hakiri kare.

Shishikariza abanyeshuri gutira utu dutabo mu isomero ry'ishuri kandi badutahane mu rugo, badusome ku giti cyabo cyangwa badusomere abo babana. Babaze ibibazo bibafasha kumva ibyo basomye. Bashishikarize kandi gufata neza utu dutabo.

Umuyobozi w'Urwego rw'Igihugu rushinzwe Uburezi bw'Ibanze.

# Inkuru ya 13





Uwase yahawe ibaruwa.  
Uwase asoma iyo baruwa.




Ibaruwa yitura mu biziba.  
Uwase yivovotera ibiziba.



Uwase yivuruguta mu biziba  
atora ibaruwa.



Uwase yoza ibaruwa.



Ibaruwa iratabuka.






Uwase asigarana ubutabu.



Uwase ahuza ubutabu  
arakomeza arasoma.



Uwase araseka.

# Ibaruwa

## Amagambo y'ingenzi

ibaruwa	asigarana
yivovotera	yahawe
Uwase	arasoma

Umubyeyi cyangwa undi muntu mukuru ubana n'umunyeshuri, asabwa kumufasha gukora umukoro wo gusoma agakuru no gusubiza ibibazo bijyanye na ko.


## Ibibazo byo kumva agakuru

1. Uwase yahawe iki?
2. Ibaruwa yituye he?

Inkuru ya 14

# Agaca Rusahuzi





Agaca Rusahuzi gahora  
gacaracara.



Iwacu kahaciye ibiguruka.



Buri wese avuga ko kabiciye.  
Gahiga bucece ibiguruka.





Uwacu avuga ko azaca ako gaca.



Yagateze umutego ukoze mu mucaca.



Agaca karawucika karaguruka.



Agaca kagera mu bicu kure.  
Agaca gacika gucaracara iwacu.



Ibiguruka bibona amahoro.

# Agaca Rusahuzi

## Amagambo y'ingenzi

gacika	mucaca	bicu
bucece	kabiciye	kahaciye
iwacu	gacaracara	agaca

Umubyeyi cyangwa undi muntu mukuru ubana n'umunyeshuri, asabwa kumufasha gukora umukoro wo gusoma agakuru no gusubiza ibibazo bijyanye na ko.

## Ibibazo byo kumva agakuru

1. Agaca rusahuzi gahiga iki?
2. Ni nde wateze agaca umutego?

© 2023 Urwego rw'Igihugu rushinzwe Uburezi bw'Ibanze

Uburenganzira bw'umuhanzi w'ibikubiye muri iki gitabo, bufitwe n'Urwego rw'Igihugu rushinzwe Uburezi bw'Ibanze (REB).

Iki gitabo cyashyizwe ahagaragara bwa mbere ku nkunga ya Amerika ibinyujije mu Kigo cya Leta Zunze Ubumwe z'Amerika Gishinzwe Iterambere Mpuzamahanga (USAID). Ibitekerezo bigikubiyemo si ibya USAID cyangwa Guverinoma ya Leta Zunze Ubumwe z'Amerika. Iki gitabo cyashyizwe ahagaragara bwa kabiri ku nkunga ya Banki y'Isi.

# Abanyeshuri bashobora gusoma

## Ibaruwa



Nyuma yo kwiga  
inyuguti ya w/W

## Agaca Rusahuzi



Nyuma yo kwiga  
inyuguti ya c/C

Udukuru dukubiye muri aka agatabo turimo amagambo agizwe gusa n'inyuguti abanyeshuri bamaze kwiga. Abanyeshuri bashobora kwisomera utu dukuru bo ubwabo nyuma yo kwiga inyuguti zigaragara hejuru. Kubera ko hari igitabo gisanzwe cy'umunyeshuri, aka gatabo gakubiyemo ubwoko bw'udukuru tw'inyongera umunyeshuri azajya asoma ku giti ke kugira ngo akomeze akore indi myitozo yo kwimenyereza gusoma inyuguti yize. Umubyeyi cyangwa undi muntu mukuru ubana n'umunyeshuri asabwe kujya afasha umunyeshuri gusoma agakuru no kumubaza ibibazo bijyanye na ko byateganijwe.